



Til

**Meland Kommune**  
Postboks 79  
N-5906 FREKHAUG

**Att.:**

Dykkar ref.:

Vår ref.:

19. desember 2018

## Søknad om kommunalt tilskot for 2019 til Norsk Landbruksrådgiving Vest SA

Norsk landbruksrådgiving Vest levere heilskaplege rådgjevingstenester til landbruket i Hordaland, Sogn & Fjordane og delar av Sunnmøre, og vi utviklar ny kunnskap. Hovudkontoret vårt er på Sandane, medan dagleg leiar Liv Lyngstad har kontor i Øystese.

NLR Vest vil med søkje med dette **Meland Kommune** om kommunalt tilskot for 2019.

NLR Vest har alltid hatt eit godt samarbeid med kommunane og tilskota er viktige. Dei gjev oss moglegheit til informasjons- og utviklingsarbeid, som er vanskeleg å finansiere fullt ut med andre midlar. Vi vonar kommunen ser nytten av arbeidet landbruksrådgivinga utfører.

### ***Fagleg verksemd – utvikling av landbruksnæringa***

Dei kommunale tilskota medverkar til at vi kan skaffe ny landbruksfagleg kunnskap og formidle ny kunnskap til bøndene i Hordaland.

I 2018 tilsette vi, som fyrste rådgjevingseining i landet, eigen rådgjevar med presisjonslandbruk som fagområde. Han har kontor på Kokstad, og vil saman med dei andre rådgjevarane utvikle rådgjevingstenester og formidle kunnskap om nye tekniske og digitale løysingar til landbruket i regionen. Vi vil spesielt ha fokus på mekanisering i fruktdyrkinga, på små teigar og i bratt terreng.

I tørkeåret 2018 stilte rådgjevarane opp i ferietida, slik at vi kunne vere medarrangør og delta på fagmøte om tørken, og svare på spørsmål på telefon om tiltak for å redusere avlingssvikten. Vi har også informert om erstatningsordningane for avlingssvikt.

For husdyrbøndene har vi dei siste åra hatt fokus på optimal og klimasmart produksjon av gras og grovfôr, og vi nyttar verktøy som gjev bonden svar på kor stort klimagassutsleppet er på eigen gard.

Vi registrerer auka interesse for dyrking av frukt, bær, potet og grønsaker. På små bruk kan desse produksjonane gje betre inntekt og lønsemd enn husdyrhald, og vi følgjer tett opp med rådgjeving.

Vi arrangerer kurs i bedriftsutvikling og nyetablering i landbruket. Økonomirådgjevarane våre hjelper til med driftsplanar og søknader om tilskot til Innovasjon Norge. Nytt i 2018 var kompetansekurs i heimeslakting av fjørfe, som vi utvikla saman med Animalia.

I 2019 vil vi starte eit prosjekt for å få fleire andelslandbruk i Hordaland. For mange kan det sikre sysselsettinga og gi ei betre lønsemd på gardsbruket.

Arbeidet vårt vert støtta av Hordaland Fylkeskommune og Fylkesmannen i Hordaland.

Betre økonomisk resultat i landbruket og utvikling av næringa, gjev auka verdiskaping og sikrar arbeidsplassar på gardane, som igjen medverkar til inntekt i kommunen.

NLR Vest vil vere ein viktig støttespelar for bonden der nyskaping og utvikling skjer. Våre rådgjevarar har brei erfaring og godt nettverk, og kan foreslå løysingar eller peike på utfordringar som bonden sjølv ikkje ser.

---

**Kompetanse for framtida!**

**Avsendar adresse:** Soldalsv. 30, 5610 ØYSTESE, **mobil:** 98245830, **e-post:** liv.lyngstad@nlr.no



Den offentlege miljøforvaltninga har i det siste lagt vekt på landbruket si rolle for det biologisk mangfaldet og for å ta vare på kulturminne knytt til landbruksareal. Vi har spisskompetanse på kulturminne og biologisk mangfald og kan utarbeide skjøtselplanar for utvalde kulturlandskapsområde i samarbeid med grunneigar. Det gjeld både slåttemarkar, kystlynghei og kulturminne.

## **Hjelp til å imøtekomme offentlige krav**

Vi er ei uavhengig, landbruksfagleg rådgivingsteneste. Rådgjevarane våre, som har kontor fleire plassar i fylket, ynskjer å vere gode støttespelarar for kommunane og bøndene, både når det gjeld utvikling av landbruket og informasjon om tilskotsordningar, reglar, forskrifter og andre nyhende som gjeld landbruket, og det er mange som spør oss.

Vi legg vekt på at rådgjevarane skal vere oppdatert på endringar som skjer, slik at vi kan gje gode råd og svar. Vi ser det som ei viktig oppgåve å hjelpe bøndene å imøtekomme offentlege krav. Vi tek jordprøver og utarbeidar gjødselplanar, gjev svar som gjeld KSL og arrangerer autorisasjonskurs for kjøp og bruk av plantevernmidlar. Det nyaste er kompetansekurs for bruk av smågnagarmiddel.

## **Informasjon frå oss.**

Informasjon ut til bonden og landbruksnæringa er viktig. Gjennom heile året arrangerer vi informasjonsmøte, markdagar og kurs om nyhende og nye utfordringar for landbruket, ofte i samarbeid med kommunane eller fylkesmannen. Vi sender ut e-postmeldingar til medlemar og samarbeidspartnarar, og sender også ut medlemskrivet Vestlandsbonden i posten. Om de ikkje får rådgivingsmeldinga vår på e-post, send ei melding til [vest@nlr.no](mailto:vest@nlr.no).

På nettsida vår <http://vest.nlr.no/> legg vi ut informasjon om verksemda og nyhende i landbruket. Vi har også eigen Facebook-side.

## **Anna**

Vi yter tenester til alle, også til dei som ikkje er medlemar. Våre kurs, fagmøte og markdagar er opne for alle, og vår kompetanse kan kome alle bønder til gode.

NLR får også tilskot gjennom jordbruksavtalen. Dette tilskotet er reelt sett meir enn halvert dei siste åra, og dei kommunale bidraga har stått fast på same kronebeløp. Reduksjon i tilskotskroner har vi klart å erstatte i hovudsak ved auka eigenbetaling, men også gjennom prosjektinntekter, oppdragsverksemd og meir effektiv drift.

Vi ynskjer eit godt samarbeid med kommunane i Hordaland og set pris på innspel frå kommunane når det gjeld aktivitetar vi kan samarbeide om. Vi kan også ta oppdrag for kommunane blant anna når det gjeld arbeid med kommuneplan, vassdirektiv, verdsetting av landbruksareal, vurdering av areal for landbruksproduksjon mm.

Vi takkar for tilskot som **Meland Kommune** tidlegare har gjeve til oss. Vi håpar kommunen framleis vil yte stønad og vil med dette søke om tilskot for 2019 tilsvarande sum som tidlegare år.

Med venleg helsing for  
Norsk Landbruksrådgiving Vest SA

Liv Lyngstad, *dagleg leiar*